



საერთაშორისო ტურიზმის განვითარების ტენდენციები

რეზიუმე

ლალი მიქელაძე

სტუ-ს დოქტორანტი

ელ.ფოსტა: lalitourizm@gmail.com

საერთაშორისო ტურიზმის
განვითარების ტენდენციები

სტატიაში ნაჩვენებია მსოფლიო ეკონომიკაში საერთაშორისო ტურიზმის განსაკუთრებული დატვირთვა, რისი გამოვლენაც ხდება არა მარტო ეკონომიკურ, არამედ, პოლიტიკურ და კულტურულ ასპექტებში. ტურისტული მოთხოვნის ფორმირება საერთაშორისო ბაზარზე, საწარმოო ძალთა განვითარების დონე, ტურპროდუქტების მოხმარების თავისებურებები და საერთოდ, ტურისტული ბაზრის ფუნქციონირებისა და სეგმენტაციის მასშტაბები. ნაჩვენებია, რომ საერთაშორისო ტურიზმი დღეისათვის საგარეო ეკონომიკური მოღვაწეობის ერთ-ერთ ყველაზე დინამიკურად განვითარებული დარგია და განურჩევლად იზრდება მისი გავლენა, როგორც მსოფლიო ეკონომიკაზე მთლიანად, ისე ცალკეული ქვეყნების რეგიონების ეკონომიკაზე.

საკვანძო სიტყვები:

საერთაშორისო
ტურიზმი
ეკონომიკა
ტურისტები
სტატისტიკა
მსოფლიო

შესავალი

ტურიზმის, როგორც მომსახურების ინდუსტრია XXI საუკუნეში სწრაფი ტემპით ვითარდება. მაღალი ეკონომიკური და სოციალური ეფექტიანობის გამო მას ეკონომიკური ფუნქციონირების სტატუსი მიენიჭა. ტურიზმი ასევე განიხილება, როგორც საერთაშორისო ბიზნესის სახეობა და მსოფლიო მეურნეობის განვითარების მნიშვნელოვანი ბერკეტი. იგი საერთაშორისო ეკონომიკური ურთიერთობების შემადგენელი ნაწილია, მისი როლი და მნიშვნელობა განუწყვეტლივ იზრდება, როგორც ქვეყნის ეკონომიკაში, ისე, საზოგადოებაში მთლიანად. ტურიზმის განვითარება პირდაპირ კავშირშია სახელმწიფოთა ურთიერთობებთან, სოციალურ, საგანმანათლებლო და ეკონომიკურ სფეროებთან.

საერთაშორისო ტურიზმი ზოგადად გადაადგილება (მოგზაურობა) მუდმივი საცხოვრებელი ადგილიდან ქვეყნის საზღვრებს გარეთ. კონკრეტულად კი იგი მოგზაურობათა სისტემაა, სახელმწიფოებს შორის მტკიცედ აღიარებული პროცედურების დაცვით. საერთაშორისო ტურიზმი ორი სახისაა: **შემომყვანი** (ქვეყნის საზღვრებში იმ პირთა გადაადგილება, რომლებიც მოცემულ ქვეყანაში მუდმივად არ ცხოვრობენ) და **გამყვანი** (მოცემულ ქვეყანაში მუდმივად მცხოვრებ პირთა გადაადგილება უცხო ქვეყანაში).

საერთაშორისო ნორმებითა და სტატისტიკით, უცხოელ ტურისტებს მიეკუთვნება ყველა ის პირი, რომელიც სხვა ქვეყანაში ჩადის სხვადასხვა მიზნით, გარდა იმ პროფესიული საქმიანობისა, რომლის ანაზღაურება ამ ქვეყნის მიერ ხდება. ასეთი აღრიცხვის სისტემით, უცხოელ ტურისტთა რიცხვში შედიან არა მარტო ექსკურსიით ჩამოსული ადამიანები, არამედ, დასვენების, მკურნალობის, სპორტულ და სხვადასხვა სანახაობებზე დასასწრებად, ნათესავებთან, მეგობრებთან უცხო ქვეყანაში ჩასული პირები და სხვ.

საერთაშორისო ტურისტული ორგანიზაციების შეთანხმებითა და ოფიციალური მონაცემებით, მსოფლიოში ძირითადად გამოიყოფა ექვსი ტურისტული რეგიონი:

1. ევროპა (საბაზრო წილი 57,7%);
2. ჩრდ. და სამხრ. ამერიკა კარიბის ზღვის აუზთან ერთად (საერთო საბაზრო 33,5%);
3. ახლო აღმოსავლეთი (საბაზრო წილი 4,9%);
4. აზია, ავსტრალია და ოკეანეთი (საბაზრო წილი 1,4%);
5. აფრიკა (საბაზრო წილი 4,5%).

ევროპა დღევანდელი მსოფლიო ტურიზმის ლიდერია. იგი გამოირჩევა შიგა ტურიზმის სტაბილური განვითარებით. აღსანიშნავია სამეულის საფრანგეთი-ესპანეთი-იტალია, რომელთა წილი ბაზარზე არის 14,3-15,2-13,7%, ხოლო ტურისტთა წლიური რიცხვი მერყეობს 75-68-59 მლნ-ის ფარგლებში. ტურებისა და ტურისტების ძირითადი მოტივაციაა შედარებით მცირე ტური-



ტორიაზე კულტურათა მრავალფეროვნება, მომსახურების მაღალი ხარისხი და კარგი ინფრასტრუქტურა. აქ განვითარებულია ტურიზმის ყველა სახეობა და წლის ოთხივე სეზონზე მოთხოვნა სტაბილურია. ბუნებრივი ზონები დაწყებული ცივი და ზომიერი სარტყლიდან დამთავრებული ხმელთაშუა ზღვის სუბტროპიკული სარტყლით ქმნის რეკრეაციის მრავალფეროვნებას, ეს კი მნიშვნელოვანი ფაქტორია ტურისტული ნაკადების ზრდისა..

საერთაშორისო ეკონომიკურ ურთიერთობებში ტურიზმი გამორჩეულ როლს ასრულებს. აბსოლუტური მაჩვენებლების მიხედვით, იგი ჩამორჩება ნავთობის, ნავთობპროდუქტებისა და მოხმარების საგნების ექსპორტს. პროცენტულად კი საერთაშორისო ტურიზმი მსოფლიო ეკონომიკაში ასეა წარმოდგენილი:

- ტურიზმზე მოდის მთლიანი შიდა პროდუქტის (მ.შ.პ.) 13,6%;
- მომსახურების სფეროს - 17,3%;
- მსოფლიო ეკონომიკაში განხორციელებული ინვესტიციების - 14,8%;
- საერთო დანახარჯების მოცულობაა 700-800 მლრდ ა.შ.შ. დოლარი;
- მსოფლიო ეკონომიკაში ყოველი მეათე სამუშაო ადგილი მოდის ტურიზმისა და საერთაშორისო ტურიზმს ორი ტენდენცია ახასიათებს:

1. მისი დამოკიდებულება საგარეო ეკონომიკურ და პოლიტიკურ ფაქტორებს;
2. ეკონომიკური ციკლების ცალკეული ფაზების დროს საქმიანობის მასშტაბების სწრაფი აღდგენის შესაძლებლობები (უნარი).

მსოფლიო ეკონომიკაში საერთაშორისო ტურიზმს განსაკუთრებული დატვირთვა აქვს, რისი გამოვლენაც ხდება არა მარტო ეკონომიკურ, არამედ, პოლიტიკურ და კულტურულ ასპექტებში. საერთაშორისო ეკონომიკური ურთიერთობების ახალი ტიპები ქმნიან ტურიზმის განვითარების განსაკუთრებულ პირობებს (იგულისხმება, როგორც საერთაშორისო, ისე, ეროვნული ტურიზმი). ტურისტული მოთხოვნის ფორმირება საერთაშორისო ბაზარზე, გარკვეულწილად ახასიათებს საწარმოო ძალთა განვითარების დონეს, ტურპროდუქტების მოხმარების თავისებურებებს და საერთოდ, ტურისტული ბაზრის ფუნქციონირებისა და სეგმენტაციის მასშტაბებს¹.

მსოფლიოს ყველა ტურისტულ რეგიონს გააჩნია ღირსშესანიშნაობანი, რომლითაც შეიძლება ტურისტების დაინტერესება. ზოგიერთი მათგანი აღიარებულია მსოფლიოში და ხშირ შემთხვევაში გამოდის ქვეყნის „ტურისტულ


მარკად“. ყველა ტურისტული და ქვეყანა ცდილობს აამაღლოს საერთაშორისო ტურიზმის ეკონომიკური ეფექტიანობა, გაზარდოს ტურისტთა რაოდენობა, ტურების ვადები და საშუალო ამონაგები. ტურინდუსტრიის ეფექტიანობის მაჩვენებელს, რომელიც ზოგადად ახასიათებს დარგის შემოსავლიანობას.

მსოფლიო ტურისტული ორგანიზაციის მიხედვით, მსოფლიოს მთავრობებმა ტურიზმის განვითარებისთვის მეტი უნდა იმუშაონ, რადგან ორგანიზაციის უახლესი კვლევის მიხედვით, ტურიზმი ის სფერო აღმოჩნდა, სადაც კრიზისის პირობებშიც კი ახალი სამუშაო ადგილები გაჩნდა. კვლევის მიხედვით, 2013 წელს საერთაშორისო ტურიზმის ინდუსტრია 3,8%-ით გაიზარდა. ამ სფეროში მოზიდულმა ინვესტიციებმა კი ისტორიაში პირველად ტრილიონ დოლარს გადააჭარბა.

ტურისტული ბიზნესიდან ყველაზე მეტი შემოსავალი აშშ-მ მიიღო. მას მოსდევს ევროპა, აზიისა და წყნარი ოკეანის რეგიონი და აფრიკა. კვლევის მიხედვით, ახლო აღმოსავლეთი ერთადერთი რეგიონია, სადაც ტურისტული ბიზნესი შემცირდა.

მსოფლიო ტურისტული ორგანიზაცია მსოფლიოს მთავრობებს სამართლიანი საგადასახადო პოლიტიკის გატარებას და ვიზების მიღების პროცედურების გამარტივებას ურჩევს.


საერთაშორისო ტურიზმი დღეისათვის საგარეო ეკონომიკური მოღვაწეობის ერთ-ერთ ყველაზე დინამიკურად განვითარებული დარგია. განურჩევლად იზრდება მისი გავლენა, როგორც მსოფლიო ეკონომიკაზე მთლიანად, ასევე ცალკეული ქვეყნების რეგიონების ეკონომიკაზე. კვლევების შედეგები გამოუდგებით ამტკიცებენ, რომ ტურიზმი მსოფლიოს უდიდესი მრეწველობის სფეროა და ეკონომიკის ყველაზე სწრაფად მზარდი სექტორი. იგი ხშირად განიხილება, როგორც რეგიონალური განვითარების მთავარი, და ახალი ეკონომიკური საქმიანობის, მასტიმულირებელი ინსტრუმენტი. დღესაც, მიმდინარე ეკონომიკური გამოწვევებისა და მნიშვნელოვანი რეგიონალური განსხვავებების მიუხედავად, საერთაშორისო მოგზაურობები და ტურიზმი აგრძელებს ზრდას. შრომის საერთაშორისო ორგანიზაციის პროგნოზით, გლობალური ეკონომიკური და ფინანსური კრიზისის ნეგატიური გავლენის მიუხედავად, მომდევნო ათწლეულის განმავლობაში, საერთაშორისო ტურიზმი მნიშვნელოვან ზრდას განიცდის. მომდევნო ათი წლის განმავლობაში ექსპერტები ტურიზმის სფეროში წლიურ 4% ზრდას მოელოან. ზედიზედ რამდენიმე წლიანი ზრდის




მ.ტ.ო 2014 წ.

შემდეგ ტურიზმის სექტორმა ვარდნა განიცადა, რაც 2008 წლის მეორე ნახევარში დაიწყო და 2009 წელს გამძაფრდა. მკვეთრად შემცირებულმა ტურისტულმა ნაკადებმა, ქვეყანაში ყოფნის ხანგრძლივობამ, ტურისტების ხარჯებმა და ბიზნეს მოგზაურობების ხარჯებზე გაზრდილმა შეზღუდვებმა, ტურიზმის სექტორში ეკონომიკური აქტივობის მნიშვნელოვანი შემცირება გამოიწვია. მიუხედავად ამისა, გაეროს მსოფლიო ტურიზმის ორგანიზაცია 2019

წლისთვის სექტორისგან 296 მილიონი სამუშაო ადგილის უზრუნველყოფას მოელოდა. „ტურიზმს აქვს პოტენციალი, კრიზისის შემდეგ სამუშაო ადგილების მთავარ გენერატორად იქცეს“, – განაცხადა შრომის საერთაშორისო ორგანიზაციის გენერალურმა დირექტორმა და დასძინა: „მთავრობებს, დამსაქმებლებსა და მშრომელებს შორის სოციალური დიალოგი ღირსეული სამუშაო ადგილების წარმოქმნას უზრუნველყოფს“.



მ.ტ.ო 2014 წ.



XX-XXI საუკუნის მიჯნაზე მსოფლიო მასშტაბით ტურიზმი ძალიან საინტერესო მიმართულებით ვითარდება. ტურიზმზე მოდის მსოფლიო ექსპორტის 6% და მომსახურებით მსოფლიო ვაჭრობის 30% ტლიანი დასაქმების დაახლოებით 9%. გარდა ამისა დარგში იქმნება მშმ დაახლოებით 10%. მსოფლიო ტურიზმისგან მიღებული შემოსავლებმა /2 013/ ტრილიონ დოლარს, ხოლო ტურისტთა რაოდენობამ მილიარდს გადააჭარბა.

ზოგადად მსოფლიო ქვეყნებში ტურიზმის მდგრადი განვითარება დამოკიდებულია სახელმწიფო პოლიტიკასთან. „ტურიზმი ხელს შეუწყობს ეკონომიკურ ზრდას. ახალ სამუშაო ადგილებისა და ქვეყნის განვითარებას, მაგრამ მას ამისათვის სჭირდება მხარდამჭერი საჯარო პოლიტიკა. კანონმდებლებმა მხარი უნდა დაუჭირონ ძლიერი და ხელსაყრელი სამოქმედო გარემოს შექმნას ტურიზმში“ გამოქვეყნდა გამოცემა UNWTO World Tourism Barometer და მისი თანხლები სტატისტიკური დანართი, რომელიც შეიცავს საერთაშორისო ტურიზმის შედეგების ანალიზს 2014 წლის პირველი ათი თვის განმავლობაში, და ეყრდნობა მთელი მსოფლიოს მასშტაბით ახალ და მიღებულ მონაცემებს.

2014 წლის იანვარსა და ოქტომბერს შორის საერთაშორისო ტურისტთა (სადღაღამისო ჩამოსვლებით) რაოდენობამ მიაღწია 978 მილიონს, 45 მილიონით მეტს, ვიდრე 2013 წლის ამავე პერიოდში. ზრდა არის 4.7%, საერთაშორისო ტურიზმი მუდმივად იზრდება უფრო მეტად, ვიდრე

ტურიზმის მსოფლიო ორგანიზაციის გრძელვადიანი პროგნოზია 2010-2020 წლებში (+3.8%). უნდა დავძინოთ, რომ დარჩენილ ორ თვეში მონაცემების დამატებით, სავარაუდოდ, წლის ბოლომდე მივიღებთ ახალ რეკორდს - მეტი 1.1 მილიარდზე მეტ ჩამოსულ ტურისტს.

რეგიონების მიხედვით ყველაზე ძლიერი ზრდა პირველი ათი თვის განმავლობაში რეგიონური იყო ამერიკაში (+8%), მას მოსდევს აზიისა და წყნარი ოკეანის ქვეყნები (+5%) და ევროპა (+4%). ქვერეგიონების მიხედვით ყველაზე წარმატებული იყო ჩრდილოეთი ამერიკა (+9%) და სამხრეთი აზია (+8%), შემდეგ მოდის სამხრეთი და ხმელთაშუაზღვისპირეთის ევროპა, ჩრდილოეთ-აღმოსავლეთი აზია და ჩრდილოეთი ევროპა (ყველა +7%).

„ამ ტენდენციის თვალსაზრისით, საერთაშორისო ტურიზმი 2014 წელს დაასრულებს რეკორდული მაჩვენებლებით“, განაცხადა ტურიზმის მსოფლიო ორგანიზაციის გენერალურმა მდივანმა თაღებ რიფაიმ. „ეს არის შესანიშნავი შედეგები, თუ გავითვალისწინებთ, რომ მსოფლიოს სხვადასხვა კუთხეში კვლავაც ვაჭიდებით მნიშვნელოვან გეოპოლიტიკურ და ჯანდაცვის პრობლემებს, ხოლო მსოფლიო ეკონომიკის აღდგენა რჩება საკმაოდ მერყევე საკითხად“, თქვა მან, „მთავარია, ჩვენ ვხედავთ მხარდ პოლიტიკური ვალდებულებას ტურიზმის სექტორის მიმართ ბევრ ქვეყანაში. ეს წამახალისებელია, თუნდაც იმიტომ, რომ ტურიზმის არის ერთ-ერთი სექტორი, რომელსაც წარმატებით



შეუძლია დასაქმება, მაშინ როდესაც სამუშაო ადგილების შექმნა ყველასათვის უმთავრესი ამოცანა უნდა იყოს”.¹

2014 წლის დასასრულს მიღებული შედეგები მთელ მსოფლიოში მიუთითებს, რომ კიდევ ერთი წარმატებული წელი იქნება საერთაშორისო ტურიზმისთვის. პირველი ათი თვის განმავლობაში კიო ჯორდ თოურისმ არომეტერის მონაცემებით, საერთაშორისო ტურისტების რაოდენობა გაიზარდა 5%-ით. ზრდა მოლოდინზე მეტია. შემდეგ, საერთაშორისო ტურიზმის ამ ტენდენციის მიხედვით, საერთაშორისო ტურიზმმა 2014 წლის ბოლოსათვის დაამყარა ახალი რეკორდი – 1.1 მილიარდზე მეტი საერთაშორისო ტურისტის მოგზაურობა მსოფლიოში ერთ წელიწადში.

დასკვნა

მსოფლიოში ტურიზმის როლი და მნიშვნელობა სულ უფრო მზარდი ტენდენციით ხასიათდება. როგორც მსოფლიო გამოცდილებიდან ჩანს ტურისტულ ქვეყნებში ტურიზმის მეშვეობით მნიშვნელოვნად ვითარდება ვაჭრობისა და მომსახურების სფერო, რაც იწვევს სავალუტო შემოსავლებისა და დასაქმების ზრდას, ეროვნული ტრადიციებისა და კულტურული მემკვიდრეობის მსოფლიო ასპარეზზე გატანას და მათი შენარჩუნების ფინანსურ უზრუნველყოფას. სწორედ ამიტომაც ტურიზმი აღმოჩნდა მრავალ-

ლი ქვეყნის ეროვნული ეკონომიკის განვითარების პრიორიტეტებს შორის.

მსოფლიოში ტურიზმი მაღალ შემოსავლიანი დარგია, რომელსაც მესამე ადგილი უკავია განვითარებული ქვეყნების ეკონომიკაში, ნავთობითა და იარაღით ვაჭრობის შემდეგ. ბევრ ქვეყანაში, ტურიზმი დიდ როლს თამაშობს მთლიანი შიგა პროდუქტის და დამატებითი სამუშაო ადგილების შექმნაში, მოსახლეობის დასაქმებასა და სახელმწიფო ბიუჯეტის შევსებაში. ტურიზმი უდიდეს გავლენას ახდენს ისეთ დარგებზე, როგორიცაა: ტრანსპორტი და კავშირგაბმულობა, მშენებლობა, სოფლის მეურნეობა, ფართო მოხმარების საქონლის წარმოება და სხვ. ამჟამად ეკონომიკის სფეროზე ტურიზმის ეკონომიკური ზემოქმედების მოდელი ბევრად გართულდა და ყვრდნობა არა თეორიულ კონცეფციებსა და ჰიპოთეზებს, არამედ სტატისტიკურ მონაცემებს.

მიუხედავად იმისა, რომ მსოფლიოში მრავალი გეოპოლიტიკური, ეკონომიკური, სოციალური თუ სხვა პრობლემები და საფრთხეები არსებობს, ტურისტების რაოდენობა ყოველწლიურად იზრდება, საერთაშორისო ტურისტული შემოსავლები 1950 წლიდან 2014 წლამდე კოლოსალური რიცხვებით გაიზარდა. თუ 1950 წელს შემოსავალი 2 მილიარდი დოლარი იყო, იგი 1980 წლისთვის 104 მილიარდამდე გაიზარდა. 1995 წელს 415 მილიარდი შეადგინა, 2014 წლის მონაცემებით 1245 მილიარდი გახდა.

ბამოყენებული ლიტერატურა

1. მეტრეველი მ., ტურიზმის ეკონომიკა და პოლიტიკა. თბ., 2011.
2. მეტრეველი მ., ტურიზმის ბიზნესი. თბ., 2011.
3. ტურიზმისა და მასპინძლობის მენეჯმენტი ა. ოქროცვარიძე თბ. 2011
4. ბერიშვილი ხ., საერთაშორისო ტურიზმის ბიზნესი. თბ., 2012.

5. World Tourism Organization -Calli Caitan Haya2014-S pain
6. UNWTO-World Tourism Barometer-2014-Dec.-barom@unwto.org
7. www. unwto. org/pub
8. http://europa.eu
9. http://www.un.org/ru/

TENDENCIES OF DEVELOPMENT OF THE INTERNATIONAL TOURISM

LALI MIQELADZE

E-mail: lalitourizm@gmail.com

Summary

The article is showing the world economy, the special meaning of international tourism, discovering what is happening not only in economic, but also in political and cultural aspects. Tourist demand of the international market, the level of development of productive forces, the main features of using tourist products and general operation of the tourism market segmentation and magnitude. It is shown that international tourism is today one of the most dynamic sectors of economic activity and has growing impact on the rise as the world economy as a whole, as well as in the lower regions of the economy.

¹ UNWTO-World Tourism Barometer-2014-Dec